

REGIONAL NEWS UNIT
ALL INDIA RADIO, AGARTALA
Date : 010-02-2025
Time: 07.35-07.40 AM Hrs
BENGALI MORNING BULLETIN

Pariksha pe charcha :

আজ নয়াদিল্লির ভারত মণ্ডপমে বহু আকাঙ্ক্ষিত পরীক্ষা পে চর্চা অনুষ্ঠানের অষ্টম সংস্করণ আয়োজিত হবে। এই অনুষ্ঠানে প্রধানমন্ত্রী নরেন্দ্র মোদী ছাত্র-ছাত্রী, অভিভাবক এবং শিক্ষক-শিক্ষিকাদের সঙ্গে আলাপচারিতা করবেন। প্রধানমন্ত্রী এই অনুষ্ঠানে পরীক্ষা নিয়ে শিক্ষার্থীদের প্রস্তুতি, পরীক্ষা-ভীতির প্রশমন এবং ব্যক্তিত্ব বিকাশ নিয়ে পরামর্শ দেবেন। ইতিমধ্যে, কেন্দ্রীয় শিক্ষা মন্ত্রক জানিয়েছে, এপর্যন্ত ৫ কোটি মানুষ এই অনুষ্ঠানে যোগ দেবার জন্য অনলাইনে নাম নথিভুক্ত করেছে, যা এখন পর্যন্ত সর্বকালীন রেকর্ড। গত বছর পরীক্ষা পে চর্চার সপ্তম সংস্করণটিতে অংশ নিতে মাইগভ পোর্টালে নিবন্ধন করেছিল ২ কোটি ২৬ লক্ষ মানুষ। সমস্ত রাজ্য এবং কেন্দ্রশাসিত অঞ্চলের রাজ্য / কেন্দ্রশাসিত অঞ্চলের পর্ষদ, সরকারি বিদ্যালয়, কেন্দ্রীয় বিদ্যালয়, সৈনিক স্কুল, একলব্য মডেল আবাসিক স্কুল, সিবিএসই এবং নবোদয় বিদ্যালয় থেকে বাছাই করা ৩৬ জন ছাত্র-ছাত্রী এবারের অনুষ্ঠানে সরাসরি অংশ নেবেন।

অনুষ্ঠানটি সরাসরি সম্প্রচার হবে দূরদর্শন, আকাশবাণী, স্বয়ম, স্বয়মপ্রভা, পিএমও ইউটিউব চ্যানেল এবং শিক্ষামন্ত্রক এবং তথ্য ও সম্প্রচার মন্ত্রকের সোশ্যাল মিডিয়া চ্যানেলে। এর মাধ্যমেও সারা দেশের ছাত্র-ছাত্রী ও শিক্ষক মন্ডলী ও অভিভাবকরা এই অনুষ্ঠানে অংশ নিতে পারবেন। এই অনুষ্ঠান সম্প্রচারের লিংক পাওয়া যাবে আকাশবাণী আগরতলার সংবাদ বিভাগের সোশ্যাল

মিডিয়া প্ল্যাটফর্মে এবং এ-আই-আর-নিউজ-আগরতলা ইউ টিউব চ্যানেলে। এদিকে মুখ্যমন্ত্রী প্রফেসর ড: মানিক সাহা আজ সকালে ১১ টায় রাজধানীর মহারানী তুলসীবতি বালিকা বিদ্যালয়ে পরীক্ষা পে চর্চা অনুষ্ঠানে অংশ নেবেন ।

PM tour:

প্রধানমন্ত্রী নরেন্দ্র মোদি আজ ফ্রান্স এবং আমেরিকা সফরে যাচ্ছেন। এই সফরের লক্ষ্য উভয় দেশের সাথে কৌশলগত, অর্থনৈতিক এবং প্রযুক্তিগত অংশীদারিত্ব জোরদার করা। সফরের প্রথম ধাপে শ্রী মোদী ১০ থেকে ১২ ফেব্রুয়ারি ফ্রান্সে যাবেন, সেখানে তিনি কৃত্রিম বুদ্ধিমত্তা সম্মেলন ২০২৫-এ যোগ দেবেন ও মূল দ্বিপাক্ষিক আলোচনায় অংশ নেবেন। পরে মার্সেইতে ভারতের নতুন কনসুলেট জেনারেল অফিসের উদ্বোধন করবেন। আকাশবাণী সাথে কথা বলার সময়, ফ্রান্সের ভারতীয় রাষ্ট্রদূত সঞ্জীব কুমার সিংলা বলেন, ভারতের প্রাথমিক উদ্বোধন যাতে কৃত্রিম বুদ্ধিমত্তা কিছু লোক বা কয়েকটি সংস্থার একচেটিয়া ডোমেইন হয়ে না উঠে। ফ্রান্সের পর শ্রী মোদি দুইদিনের সফরে আমেরিকা যাবেন।

CM:

মুখ্যমন্ত্রী অধ্যাপক ডা: মানিক সাহা বলেছেন, রাজ্যের পরিকাঠামো উন্নয়ন ও পরিকল্পনা বাস্তবায়নে প্রকৌশলীদের গুরুত্বপূর্ণ ভূমিকা রয়েছে। যোগাযোগ ব্যবস্থার উন্নয়ন ও সম্প্রসারণ, পরিকাঠামো নির্মাণ, সেচ, পানীয়জলের সংযোগ, বিদ্যুৎ পরিষেবা সম্প্রসারণে প্রকৌশলীগণ প্রশংসনীয় কাজ করছেন। গতকাল আগরতলার নজরুল কলাক্ষেত্রে ত্রিপুরা স্টেট

ইঞ্জিনিয়ার্স অ্যাসোসিয়েশনের ৫৫তম বার্ষিক সাধারণ সম্মেলনে উদ্বোধনী ভাষণে তিনি একথা বলেন। রাজ্যের সড়ক যোগাযোগ ব্যবস্থার সম্প্রসারণ, উন্নত আইনশৃঙ্খলা, পর্যটন প্রভৃতি ক্ষেত্রের উল্লেখযোগ্য উন্নতির কথা উল্লেখ করে মুখ্যমন্ত্রী বলেন, বাইরে থেকে রাজ্যে আগত ভ্রমণকারীরা রাজ্যের এই প্রভূত উন্নয়ন দেখে অভিভূত হচ্ছেন। তিনি বলেন, যে কোনও পরিকাঠামো নির্মাণ নিখুঁতভাবে করাটা অত্যন্ত আবশ্যিক। কারণ উন্নত পরিকাঠামোর উপর নির্ভর করেই বাইরের বিনিয়োগকারীরা শিল্প স্থাপনে উৎসাহিত হন। মুখ্যমন্ত্রী আরও বলেন, রাজ্যে জলসেচ ও জল সংরক্ষণের ক্ষেত্রে প্রকৌশলীগণ তাদের উদ্ভাবনী দক্ষতাকে কাজে লাগিয়ে বিভিন্ন উদ্যোগ গ্রহণ করছেন। পাইপলাইনের মাধ্যমে বাড়ি বাড়ি পরিষ্কৃত পানীয়জল পৌঁছে দেওয়ার ক্ষেত্রেও প্রকৌশলীগণ উল্লেখযোগ্য ভূমিকা পালন করছেন।

MANIPUR :

মনিপুরের মুখ্যমন্ত্রী এন. বিরেন সিং গতকাল পদত্যাগ করেছেন। তিনি রাজ্যপাল অজয় কুমার ভাল্লার কাছে পদত্যাগপত্র জমা দিয়েছেন। এদিকে আজ থেকে মনিপুর বিধানসভার অধিবেশন শুরু হবে।

Budget Meeting :

ভারতীয় জনতা পার্টি সদর গ্রামীণ জেলার মন্ডলে উদ্যোগে আজ গান্ধীগ্রামে স্কুল মাঠে বিকশিত ভারতের বিকশিত বাজেট পেশের জন্য মোদি সরকার কে ধন্যবাদ জানিয়ে এক সভা ও রেলি অনুষ্ঠিত হয়। রেলিটি গান্ধীগ্রাম বিভিন্ন এলাকার পথ পরিক্রমা করে। পরে স্কুল মাঠে আয়োজিত সভায় বক্তব্য রাখতে গিয়ে পর্যটন মন্ত্রী সুশান্ত চৌধুরী কেন্দ্রীয় বাজেটকে জনমুখী ও ঐতিহাসিক বাজেট হিসেবে আখ্যায়িত করেন। তিনি বলেন এই

বাজেট সাধারণ নিম্নবিত্ত মধ্যবিত্ত মানুষের কল্যাণকর। তিনি বলেন বিভিন্ন ক্ষেত্রে অর্থ বরাদ্দের ফলে উন্নয়নের ধারা আরো গতিশীল হবে। অনুষ্ঠানে উপস্থিত ছিলেন পশ্চিম জেলার সভাপতি বলাই গোস্বামী, বামুটিয়া মন্ডল সভাপতি শিবেন্দ্র দাস, গোমতী ডায়েরির চেয়ারম্যান রতন ঘোষ, বামুটিয়া প্রাক্তন মন্ত্রী প্রকাশ চন্দ্র দাস, প্রাক্তন বিধায়ক কৃষ্ণদাস, প্রাক্তন জেলা জেলার সভাপতি অসিত রায়, গ্রামীণ জেলার সভাপতি গৌরাঙ্গ ভৌমিক, মন্ত্রী সুশান্ত চৌধুরী, প্রমুখ।

I&B Minister:

তথ্য ও সম্প্রচার এবং রেলমন্ত্রী অশ্বিনী বৈষ্ণব গতকাল গোরখপুর রেলস্টেশন পরিদর্শন করেন এবং গোরখপুর জংশনের প্রস্তাবিত মডেল পর্যালোচনা করেন। রেলওয়ের আধিকারিকরা মন্ত্রীকে মডেল স্টেশনের বিস্তারিত তুলে ধরেন। গোরখপুরের সংস্কৃতি ও ঐতিহ্যের কথা মাথায় রেখে স্টেশনের নকশা করা হয়েছে। তিনি জানান, বিমানবন্দরের নতুন টার্মিনালের কাছে একটি নতুন রেলস্টেশন নির্মাণের পরিকল্পনা তৈরি করতে আধিকারিকদের নির্দেশ দেয়া হয়েছে।

National Games :

উত্তরাখণ্ডে অনুষ্ঠিত ৩৮তম জাতীয় গেমসের এপর্যন্ত মোট ৩০০টি স্বর্ণপদকের ফয়সলা হয়েছে। এর মধ্যে ৪২টি স্বর্ণপদক নিয়ে সার্ভিসেস স্পোর্টস কন্ট্রোল বোর্ড তালিকার শীর্ষে রয়েছে। ৩১টি স্বর্ণপদক নিয়ে কর্ণাটক দ্বিতীয় স্থানে এবং ২৯টি স্বর্ণপদক নিয়ে মহারাষ্ট্র তৃতীয় স্থানে রয়েছে।

এদিকে, হকিতে জয় পেলো মণিপুর। মহিলা বিভাগের লড়াইয়ে মণিপুর ৫-২ গোলে স্বাগতিক উত্তরাখণ্ডকে ও মধ্যপ্রদেশ ২-১ গোলে পশ্চিমবঙ্গকে হারিয়ে দেয়। অপরদিকে, পুরুষ বিভাগে মহারাষ্ট্র ২-১ গোলে উত্তরাখণ্ডকে এবং কর্ণাটক ৪-১ গোলে মণিপুরকে হারায়।

Weather :

আজ আকাশ সাধারণত পরিষ্কার থাকবে। দিনের তাপমাত্রা সর্বোচ্চ ২৮ ডিগ্রি সেলসিয়াস এবং সর্বনিম্ন ১৩ ডিগ্রি সেলসিয়াস এর কাছাকাছি থাকবে। আজ ভোরে দিনের সর্বনিম্ন তাপমাত্রা পরিলক্ষিত হয়েছে ১২ দশমিক ১ ডিগ্রি সেলসিয়াস।
